

拜  
經  
樓  
詩  
集

拜經樓詩集卷八

起丙辰  
盡丁巳

海寧 吳 騫 槎客

論詩絕句

十二首  
以下嘉慶丙辰

五字長城守一夫七雄龍  
戰逞良圖騷壇要拜詩家將  
不怕功成萬骨枯

飲馬長城萬古風  
胡笳嗚咽暮雲重  
鳳毛無分君休怨  
祇爲當年號酒龍

黃河忽墮三峯下一語驚人味許長  
不悟中郎經熟食  
偏憐石馬臥侯王

失路空遭醉尉嗔  
清才最愛八叉新  
何人有子如溫憲

爲訴琵琶遠嫁人

畫壁當年事久徂歌來皓齒定非誣如何直上黃沙句

真本翻歸計敏夫

王之渙涼州詞黃河遠上白雲間唐詩紀事作黃沙直上白雲間吳修齡

篤信之以爲的不可易

園邊偶寄莊生夢畫裏難招帝子魂吟到謝家三百首

徧騎蝴蝶過鄉邨

飄泊江東歲月過羅平妖鳥盡消磨感恩尚作鹽車語

不似鍾離忌諱多

羅隱投錢武肅詩云鹽車顧後聲方重火井窺來焰始浮

盛衰升降任推敲死較尊卑笑爾曹夕殿揮毫詩宰相

寧甘北面鬱輪袍

唐人以摩詰爲詩天子子美爲詩宰相

綺語多憑本事傳風懷任爾壓香箋一編洗盡閒脂粉  
正愛石門文字禪

個中三昧讓三唐妙得無言意自長卻被宋人都說壞  
紛紛藝苑著雌黃

粥鼓鐘魚伴苦禪風清月曉自嬋娟璣囊不爲于湖諱  
忍把青泥污白蓮

輕浮銜露皆非福品藻裴公語足多盧駱王楊當日體  
有才無命欲如何

津逮舫歌戲爲簡莊賦

君有津逮舫何不直窮九河之源萬里游浩蕩君有虹

月舟何不乘秋風兮凌斗牛胡爲乎頻年竭來夫松陵  
與笠澤資緣於蘆之浦兮荻之洲中旣羅列圖書墳史  
八索與九邱他若百家諸子亦復縱橫籤裘安兩頭更  
有靈威一卷自作帳中祕不許樵青解事窺精意見之  
者將謂步兵雅嗜江東膾不然英雄霸越餘高計孰知  
元龍豪氣慷以慨橫中流兮擊素汰手掀于思脚叩舷  
夜深兀自唱小海驚醒魚龍寒寂寞數聲玉笛飛江閣  
爾時千山雲斂萬壑靜惟見銀河迢迢天際落我愛銀  
河一片銀安得碧山巧運斤製成鑿落齊尾首不載詩  
書但載酒道逢玉女洗頭歸一笑酣醺連卯酉始知此

舫亦非舫乃是太華峯顚十丈紅蓮藕

羅噴曲

猗桑雜柘枝青綠兩參差野蠶飛上屋到底不成絲

妙果雜詩應許文敷茂才

三首

青芝依蓮宇崇構宏唐年下水精域隱蔭蔚藍天僧  
房綴蜜脾中有玉鑑懸插根虛無際融結萬古烟天女  
未梳裹靈蛇曉猶偏香臺霧半擁梯磴危鉤連蟻路緣  
秋毫窈窕月脅穿仰睇一片雲恍欲墜我肩緬當歆陽  
際碧玉叢姬娟時攀玉洞息屢借天窗眠一爲瑩心魄  
遂令五濁蠲聖脩積白業齊契喻金荃遠公跡已遙妙

義當誰詮將無許元度共證石門禪

右石壁澄鏡軒

靈源傳賴鄉九井動如約子午祕元宮恆晷靡淹錯不  
知蒼厓根海眼始誰鑿八家驚未汲千佛稟其鑰智燈  
一潛照修短隨所索上有百尺桐葉葉青圭削鏗然一  
片秋商意滿巖叡孤鳳不重來巢阿渺奚託惟昔周將  
軍應威弧此常曠渴挽耿公籠飢羅許公雀一朝碧瑩  
場猶足警風鶴我聞聰明泉長與世盈涸心惻在不食  
矧沒藜與藿苟能得一人願子且斟酌

右義井

蒼虬勇掉尾傑閣凌崔巍拾級萬松杪瑤瓏八窗開雪  
峯出其背鱗角猶皚皚俯視白塔岡半隱雲濤堆天風  
俄蕩激鈴馱何喧阗欲呼東園秀緩渡南海杯荒宮無  
關鈕幽雨漬莓落前林落秋實冬至梅始胎試問曹溪  
水東流逝不回十年調玉燭歲晏辭蓬萊何如伴懶殘  
坐燼煨芋灰

右自關聖閣至東園

題許甥懋堇湘烟一曲詩鈔後卽送之望江省親  
三首

尋陽渡口浪嵯峨采石磯邊客又過不見青山狂李白



江烟江月奈愁何

雙峯北去客衣單千里遙尋子舍歡屈指開爐家會日

王魚孟荀勸加餐

孟宗臺臥冰池皆望江故跡

竹鴝松窗話別遲燈前清淚已如絲從今風雨相思夜  
祇咏王郎七字詩

登萬蒼山

二首

滄海螺浮浴日鮮青山雲罅玉棺懸人生何必揚州死  
高士湖頭有墓田

坎坷平生分所甘底須員石致哀談千秋華表歸來日

記取儂家萬雪菴

子築生壙于山之陽擬樹梅百本顏其丙舍爲萬雪菴素小峴廉使嘗題

額以  
贈

偕毓春登湖天海月樓

萬蒼山色小營邱  
海月湖天翠欲流  
松吹聲中閒倚杖  
梅花香裏一登樓  
清琴好待成連鼓  
玉枕真同郭璞游  
六十年來春夢客  
如今爭得不回頭

集唐戲贈儀周

三首

嘉樹移來別帶春  
繡難相似畫難真  
明朝又向江頭別  
莫遣青絲掃路塵

黃元

酒

方

干

楊巨源

家近芙蓉曲水濱  
路歧誰與子相親  
青蛾莫怪頻含笑  
醉折花枝是別人

李商隱

會

雍

陶

劉滄

禊飲尋春興有餘  
嵩雲秦樹久離居  
青山石婦千年望

腸斷蕭娘一紙書

權德輿  
鮑溶

李商隱  
楊巨源

中湖塘閒步望秦駐山

邇迤南湖玉鑑平  
落梅如雪更輕盈  
紫雲嶺斷石帆出  
白鷺鷥飛沙浦明  
百里長墻啣晚照  
幾家荒壠破春耕  
可憐秦帝還祠廟  
不見蓬萊水淺清

永安湖曉起

秦嶺依微抱女墻  
櫓聲雅軋雁聲長  
攜琴獨上江天閣  
月落烟橫是個蒼

吳山小築

溪上桃花紅映人溪邊野約多白蘋夜來山雨挾鷗去  
洗出邨南萬古春

南湖感舊

十里春陰護板堤舊游何處畫橋西桃花自醉妃央雨  
不管行人路易迷

滌碑圖六言二首爲何夢華賦

貴小松司馬作

趵突泉頭濯足云亭山上掌雲館築南容故里碑尋東

海遺文

夢華爲關里館甥

摘雒鉤河窺聖鳴絲撫竹思賢生面別開青社畫圖轉

付黃荃

桃溪山館喜春浦至

孤城環菴畫小別漫經年之子能相過清溪又泊船尊  
開仙李近詩倩玉琴傳欲識歡悰洽春山處處泉

喜燕亭過荆南山館與盧三峯陳春浦小集卽事

顛顛年華兩鬢絲江南幾負落花時一泓玉女橫波冷

千里良朋把袂遲銀管聲中聊話舊

謂玉鑑亭雅集

青山樓上

又催詩乾坤嘯傲容吾輩莫遣閒愁到酒卮

偕燕亭春浦游善卷三洞觀國山新建石亭尋吳

時自立大石

名山發興謝桂楫一溪早瀨馳銀駮良朋捉袂不知遠

短筇誓撥雲濤堆龍巖嵒崿天外秀九斗歷落猶烟蘿  
循行松徑未十里揖客早有山僧陪探奇競指上下洞  
芒屨乍縛驚風雷懸崖犀株矗萬樹琪花瑤草縱橫裁  
杳杳陰房穿月脅高燃爆竹明馱楷冰簾倒挂玉柱直  
昆刀巧斲元豹胎窪者爲田突者竈位置悉見仙人才  
肩摩尻接昧頂踵稍稍綠蠟緣枯荻梯空旋復窺下洞  
陽光微逗天窗纔仙鼠拂面石燕舞五色瓔珞垂玫瑰  
窮幽極險出窅窾灑然襟袂無點埃乃知洞天數福地  
解后適與良緣階興酣遑復顧腰脚各賈餘勇披榛萊  
國山亭子快新覩碧流離覆青瑤杯祝融峯頭堆米廩

斷鼇立極扶中台瞥然大石踞其左狻猊下攫龍虎哀  
山精白石不敢出况有聯臂猿垂厓野風忽來助怒吼  
滿山躑躅驚盡開惟昔東吳祚將替彭祖酷暴猶狼豺  
姦諛尚請頌功德大書深刻層巖隈一朝青蓋東入洛  
衆瑞于我何有哉行人至此三歎息可憐螭首生莓苔  
摸文空以指畫肚究體孰辨股與釵猶記年時後洞塌  
小水洞穹窿深宵若厦屋乾隆癸丑元日忽崩圮斯跡幸逭昆明灰後來經營  
何可緩金釵小日煩英臺夢中蝴蝶計不到世上茂宰  
陶山能安排神斤鬼削一宵就落成正值紅榴佳亭以乙卯  
重午落成人生好事那有此俗眼未免相嘲吟尚欲銀鉤鐫

鐵壁用告萬世集古懷

南山雜詩三首

草沒漁磯樹拂雲烟叢雨笠過離羣

村名

青山是處堪埋

骨莫近孫郎弔打墳

烟山有孫堅釣臺又有孫氏祖墓相傳有葬其側者每夜輒聞號呼

聲俗稱弔打墳

賽罷三姑日下簾簾前絲雨又廉纖自從種得康楊樹

不怕街頭米價添

三夫人廟在蜀山卽三姑也康楊樹春月結實如魚米者歲稔如糠粃者

歲歉土俗以此爲占驗又稱魚米樹

徐撥輕橈破野烟雙翹白鷺自閒眠晚晴正好無人賦

水榭春風落杜鵑

予嘗勸陶山重興水榭而事竟不就



手集卷八  
酬蔣聲依茂才

維舟荆南郭薄眺離里雲下有澄懷士夙昔感離羣停  
雲播佳藻往往因風聞良會詎不懷烟波渺江濱一昨  
登君堂環溪綠沍沍幽鳥鳴簾鉤餘花散氤氲永言愛  
茲日氣協陔蘭芬昔賢耕且養子獨服其勤白華絜晨  
羞帶草亦含欣矧茲讀書壇窈窕隣章君深心寄毫素  
雅志窮皇墳經鉤遁叟沈頌拓湘纍文  
磐初先生石刻  
橋頌帖尚存  
顧予衰白顛種種不可賴村醪慰飢飭童稚情彌殷比  
來君復出悃款何由云依依向江臯悵望千里分驪珠  
空在懷岐路暖交紛豈無蘅與杜采采日已曛儻垂若

戲咏姑嫂餅

藉甚公羊賣麤家弄珠樓下翠帘遮金刀剪勝宜桃葉  
玉乳搓酥映棗花畫橐幾翻邱嫂橈紅綾一抹小姑霞  
劉郎座上如相問漫說吳均鬢有華

冬夕至路仲訪廣伯疾

二首

倚棹空烟外蒼茫問洛橋葦花團雪岸漁火聚寒宵夢  
自離羣積風兼病榻遙荒雞吟斷後月落正歸潮

不見無雙士于今復幾旬南屏懷祭酒

每歲張忠烈公墓祭君必預奠

醢今秋猶力疾從事

東魯笑儒生

學使者聞君名欲招致之堅辭不往

玉劍寧埋世

金貂不換貧若爲梁太子頻減帶圍新

新篁道中

征蓬戴晨星溪柵排沈霧行游不知遠依約新篁渡前  
瞻方渺瀰後舸驀輕驚寒柯晶晴雪冰柱挺餘素鯨鏗  
來淨相仙李根疇護淨相寺構李今尚有遺植迷茫百里間目盡一  
鳥度元冥厲嚴節芳歲已云暮悠悠信物役白首仍歧  
路等彼風中萍洄流復相注豈無棲息緣永謝區中務  
滄洲侶漁笛去去隨汀鷺

送抱經學士葬

經時不過鄭公鄉宿草萋萋滿徑霜千里故人同會葬  
卅年交誼倍難忘風前華表寒無語篋裏遺經夜有光

腸斷修文并驥子銘碑誰與倩中郎

時初聞長公慶  
詒嶺南之赴

冬日閒居遣興

幽居自昔任鴻冥三徑莓苔冷自青  
開閣豈云師處仲閉關終擬學劉伶  
看山入畫雲移杖載鶴歸船雪漲汀  
猶有寒泉清不斷玉梅花下響東丁

過寶東皋先生祠呈小峴廉使

二首

納軌旋河胄允推中天岱嶽氣崔巍  
龍門平揖千秋士玉尺衡量一代才  
東魯儒林濂洛簾西湖祠宇白蘇陪  
自憐一薦寒香後又聽松風瀉叙回

城闕秋生畫角涼記曾攀送出餘杭

丙午  
秋事

篋中諫議王

褒集江上琴書陸賈裝伏枕香爐違畫省披帷栗主考  
新堂草元亭畔傳經後誰似侯芭誼獨長

人日立春寄祝竹汀宮詹七十初度

以下丁巳

大哉坤輿瀛海環東南靈秀鍾吳關天生碩彥參運世  
未覺元氣漓兩間公昔少年窮墳典七子齊驅名獨遠  
鳳皇池上宮錦袍玉樹風前日華暖周書保傅崇師導  
家世由來況忠孝主聖臣賢頌有之遂初恩予香山  
告卽今耆英開洛社圖畫千秋豔朝野絳帳肩差絳甲  
人朱軒踵接朱輪者履道筵催絃管新博山金雀紅麒  
麟三千弟子半吳越八百春秋同曉昏我本漁樵海邊

屋簷添莫計妙量斛願攜藍尾手中觴醉借碧桃枝下  
宿一再題詩寄草堂青圭玉律慶春陽會看雕輦登高  
宴更待蒲輪二十霜

隋陽休之人日登高  
侍宴詩風生拂雕輦

平望道中寄所知

落日鶯湖外蒼茫首夏天朱櫻啣鳥熟翠網出魚鮮幾  
處樓中笛誰家畫裏船月波如好在終許客愁湔

過小讀書堆悼顧抱冲茂才

二首

東吳顧文學精舍讀書堆牘破一生事閒搜萬卷回成  
仙先脈望化鶴近蓬萊玉笛斜陽路傷心客重來

白髮高堂淚青燈少婦愁曉窗餘藥畏春樹想風流影

尚畱金粟魂應到玉樓一編身後寄此意總千秋

君重雕宋

本列女傳瀕危時猶屬其弟千里畱贈

臨平道中卽事贈映堦

二首

望望讀書臺悠悠去棹催鐘傳孤寺出雲斷好山來倚  
檻風梳柳垂檣雨熟梅閒鷗猶可狎鏡裏夕陽開  
拓落成吾老飄搖柰若何才華三賦好湖海一身多詎  
有青雲器仍淹玉斧柯餘杭今夜酒試酌問靈娥

雨夜有懷雲士少府

之子真豪雋棲遲未可輕若爲身萬里獨聽雨三更隴  
水懷人咽邊鴻出塞驚功名一長劒何日夕烽平

寄懷一如太守

一箭下名城三軍枕上行誰知漢飛將元自魯諸生劍  
水崩妖氣渝歌激凱聲臥龍遺廟在辛苦說南征

漁舟

瓜蔓徐牽不繫船菰蒲作意暗江天臥看白鳥撇波去  
忽有青山落枕邊

重至東湖

二首

遺珠何處問江皋雨色萋萋半野蒿莫道重來渾似夢  
浮圖依舊插天高

碧虛樓閣倚城坳柳外橋低且繫橈慰我飄零畱我住



無過一日兩回潮

德藏寺觀雨還渡東湖

倚機重湖潯孤城如甕小黃緣信雙屨步步入幽討佛  
屋蒿牛隱祇垣蘚仍好森森寒玉林色帶客衣縹惟時  
朱明季六合氣如燎不知水精城孰創雨花灑光明破  
清晝暄景羃枯沼俄焉遍香界颯沓殊未了雙塔暗搖  
雲百里絕歸鳥乘陵勢方急直挽滄溟倒轉疑殿脚移  
遠逐電光繞薄雷殷螭尾餘怒且未拗庶資法王力坐  
待晦冥曉靈臺初洗餘鐘磬靜不考披蘿出微徑四體  
若新澡引領古雉南出沒帆影飽珠樓藹層霄乍脫尤

龍抱餘霞淡將渙殘日不穿縞陰晴恍異天乃悟雨師巧

二憶詩二首

長夏村居積雨兼旬門無過客追惟往事作二憶詩  
寄奴城外辟疆園第五橋頭每繫船重以絲蘿敦夙好  
猶將縞紵引忘年琴書雅澤流風遠山水清音禊事傳  
最是參天喬木處于公門第故依然

右張芷齋明經

水竹園亭水繪如每逢勝賞便招予狂呼缸面燒春酒  
醉草牀頭荅聘書白首尚思將母日

鬻髻年卽隨先慈至萊園青燈

長憶課兒初驚心彈指俄三世聞說荒池好種魚

君長子根

堂孝廉相  
繼下世

### 右項水邨孝廉

喜晤小峴廉使于海上

三首

側聞車騎出便覺海天清蜃氣銷殘雨鼉鳴報晚晴片  
時蕭寺話數點越山明堤柳知人意依依拂去旌

畫戟森兵衛嚴疆控海關淵才偏下士賓布不征蠻自

別金華省常懷玉筍班爲霖元素志未可問東山

公談次有

解組之意故云

魚躍鳶飛處登臨最上頭三山環閩苑一髮近琉球海

月臺邊拾神龍鏡裏游他年徵故事不數庾公樓

時方閱視

山尖

夏夕同奉峩根脩映堦暨兄子誠懸集畊烟山館

分韻

墟烟暖將夕高樹回涼颼翔禽斂歸翮鳴蟬寂知時素  
心款我廬不厭蓬藿披列坐命觴罍靜嘯臨軒墀中庭  
豈不敞孤光疾如馳藉此炳燭輝可以刻新詩方其妙  
吐屬青蓮淡文漪穆如清風至亦足慰我飢旣而揮酒  
兵鋒鏑交橫飛或射聊城矢或縱廣武機三乏罕失鵠  
兩朋各褰旗疲師不再鼓羽扇猶頻揮緬昔河朔士亦

復清歡追嘅焉思其人千載亮如之醉鄉富日月無功  
誠吾師悠悠聖與狂酩酊何所知荒江漏易殘暑露霑  
衣滋衣滋不足恤顧視月已微惟有酒人星煜煜明天  
維

橋李

雨露由來豈獨殊天教尤物擅名區雖非王氏輕鑽核  
也被西家小剝膚擣木還思春夜嫁數錢正好市頭輸  
祇憐一敗夫椒後幾度分甘便沼吳

題友人自笑圖

嵩山性善嗔人未見其喜東方有笑者終日齒恒啓夫

鷗盟肯爲淡交寒詩源大歷開元盛量較滄江碧海寬  
酩酊不知歸馬路騎兵還欲喚衙官

冬日偕少白梅史夢唐集馮補亭齋

分襟感吳越撫袂悅郊館萍蹤雖暫并芳序良已晚夫  
君溪上居夙與市氛遠偶茲同剝啄黃葉驚風散逕蘚  
寒欲蕪籬菊霜尚泣濁醪過牆頭觴酌盡懇款惟昔竹  
林期亦有嵇與阮脫略當世務日夕共沈湎滔滔江海  
流斯人遂不反千秋若冥契望古情空緬白雲暖西流  
烏几燭花剪惆悵欲分襟新月照歸扁卻聽西林鐘猶  
來翠微淺

櫓李舟次讀汪小海明經游黃山詩率題長歌

北麗橋頭晨霧合西水驛外沙棠集客有示我近游作  
三十六峯袖中溼君家舊宅通黟豐北斗夜挂香爐東  
尋真載踏石筍路探奇乍入蓬萊宮但見瑤花琪樹紛  
敷瓊異非一狀況有木蓮十丈亭亭露滴搏桑紅青鸞  
歲蕤競前導繼以啁啾音樂鳥亦名山樂啄開珊瑚網啣出  
蓮子大若安期棗仰望一線天彩霓抹斷珍珠懸雷轟  
電掣直下不知幾千仞山僧遙指此是硃砂泉一泓暖  
雪秋百沸灑濯靈根骨仙蛻飄飄便逐海馬行尻爲輪  
兮肉爲翅此時始悟諸天近月竇星窗誰接引倦休容

成臺渴飲軒轅井軒轅昔日神鼎成身騎白龍緣青冥  
緣青冥排闥闔旒垂繁露珮搖風何殊咸池旣奏英華  
荅祇今巖中冀莢落復開王屋丹經安在哉浮邱丈人  
高枕石頭臥惟聽松濤萬嶽猿猱哀傳聞六六之峯峯  
有寶荒誕無乃同齊諧青山白雲本無盡俯仰乾坤一  
俄頃羨君雅負出塵趣妙筆健於生鍊鑄噫嗟乎琉璃  
鋪海洵奇遇莫更坐我江郎鼓琴處

歲晏雜詩

四首

冷落荆柴半夕陽低徊曝背撫流光殘基豈戀紅羊劫  
老累偏拖黑鼠腸詩廢蓼莪悲里社夢回春草泣池塘



惟餘一片秦川錦欲補寒闌舊影張

自是輕肥拙自謀祇應衰鈍託林邱懷人刀尺三秋雁

率歲生涯一做裘蛇虺誰能驅劍外妖星猶道落旄頭

臥龍躍馬非今日幾處關山起暮愁

時久不得西蜀友人音問

百年拓落虎頭癡過眼榮枯一笑時烏鵲未知牛有角

青羊豈慕豹畱皮竹懷苦節真吾友梅守孤芳是汝師

底事阿婆春夢裏死持明鏡問妍媸

南湖烟雨北湖墳草草經營樹檟枌

子以丙辰春自營壘室于萬蒼山錢

魯南先生墓西石棹敢希桓司

去聲

馬青山多學李將軍蓬萊可

到知非我

陳乾初先生寄題萬蒼山樓有幽獨能詩豈不願蓬萊居願作錢墳守之句

幽獨能詩豈

識君尚擬一瓢團萬雪他時畱與葬朝雲

僕以容成臺墨寄少白梅史邀取之用東坡荅王  
晉卿借仇池石韵詩來屬和兼索酒戲呈一笑  
并慰少白

客從遠方來遺我烟螺綠

海小

元香拜有餘卽墨封未足

雖居客卿位豈若金壺腹梅月萬囊圓蕉窗豹皮蹙自  
嗟視田蕪千里可縱收歲晚憶良儔如水欲歸瀆思我  
祈招言王度式如玉安知松滋渡潛已伏兵伏楚材忽  
晉用要奪寧預卜尤恐陸士龍尚向三臺逐我願兩袒  
之計賺出函谷東食而西宿庶各遂所欲鈔書則比目

畫眉同一曲沈酣古漆林折簡定不速

拜經樓詩集卷八終

拜經樓詩集卷九

起戊午  
盡是年

海寧 吳 騫 槎客

朱巢飲茂才重下楊山館卽席有詩奉酬

以下戊午

屐齒蒼苔喜重攀  
忘機魚鳥亦畱連  
肯教黍谷春還至  
直爲山樓榻尚懸  
花似懷新增旆旄  
文成思舊感纏綿  
不堪話到黃墟事  
夢斷連枝已八年

元唱述往與先兄  
論文之事屈指先

兄下世已  
八載矣

荅鍾晴初見寄

閉門覓句陳無已  
見說支牀止半軀  
千古才人無此厄  
一篇寄我足長吁  
傳家詩品高曾格  
到眼名山顧陸圖

未必穹蒼非有意要令姓氏滿江湖

### 石屋山

孤巘排空來半鏡冷逼面扶筇陟且憩微逕逐螺旋萬  
壑一奔濤莫辨雲海岸仰睇屋數椽峻嶒碧霄半級借  
丹霞梯簾垂綠蘿幔烟霏羃虛牖窈窕隱蔥蒨巖嵐忽  
褰霽蒼鼠驚四竄上有太古雪潔雜三冬霰伊誰昔經  
始巢居此攸眷彷彿避秦人初不知有漢傳聞巢寇警  
斯地當爭戰雞犬悉被驅丁男紛獸散窮殘將弱子聊  
追矢石難至今山下路骸骨互亂蔓蘿鼓久無聲滄桑  
幾遷變惻愴懷古情俯仰滋浩歎寄言屋下人莫問椒

蘭怨

輓祝士希大令

河梁分手意遲遲似惜鸞驂鬢已絲萬里魂銷夔子國  
十年宦冷武侯祠喪車故里歸逾歲手澤遺編泣抱兒  
惟有西窗舊塵榻依然如共竹林期

君與說兮大令皆嘗下榻山館

一百五日送松蘿大令掌教武原

海國文星久闇然先生巨刃可摩天恰逢周舉爲寒食  
轉憶秦彭重禮賢

謂小峴廉使

舞鶴池頭紅杏雨聞琴橋畔

綠楊烟來朝欲乞書窗火莫遣門生散後筵

盧忠肅公佩刀歌

忠肅盧公之戰于賈莊也有鉅鹿諸生姚東照者素  
慷慨慕義屢出家財犒軍至是直前叩馬請繼見期  
公慨然解腰下佩刀與之曰苟異日無相忘見刀如  
見我矣遂麾軍而出明日公戰死于藁水橋姚氏世  
寶此刀每春秋祀公必陳于几 國朝乾隆中公從  
曾孫豪然爲威縣令從姚氏寡婦搆得以歸今尚藏  
其家爰爲作歌

銅馬祠前陣雲起廣阿澤畔人民徙三軍一哭同殉敵  
萬里長城自壞矣書生慷慨氣何激家散萬金酬死士  
叩馬三請繼見期風日低昂天地紫潛善秉成畱守殞

長脚在朝岳侯死而况嗣昌與起潛外奸內訌相朋比  
不死沙場死菜市泰山肯以鴻毛抵墨經從軍本不祥  
尚斬一雪君父恥滿腔熱血握付君腰下青蛇三尺水  
他日見刀如見我恨未生將奸頸齒尸不可辨魂可招  
此刀便是巫陽紙鬻策三吹木葉名山震將星墮地前旌  
靡虎將軍飛不食肉謂虎大威貂鼠拖腸翻附尾俞振龍人稱俞貂鼠  
紇于山雀凍已盡折戟沈沙紅未沈少原有婦泣遺簪  
毫社無人剪荆杞可憐姚家老寡妻先世半爲國殤鬼  
不寶珠玉獨寶刀春秋腰臘陳諸几小劫滄桑倏百年  
環銷龍雀疇爲理賴有聞孫遠游官物色千金還故里



拜藏之石友堂夜夜匣中鳴不已刀兮刀兮慎勿鳴  
尚方三賜今存幾公之精誠貫日月豈在一刀與一矢  
可惜堂堂三百年祇剩寒光照青史君不見自古功名  
鮮令終世間馬耳射東風何如賣刀還買犢免使千秋  
悲李牧

次韻再酬松靄大令觀鄉見寄

人欽月旦豈徒然吾道從來在簡篇試探經畬元每每  
卽論腹笥也便便錫簫正改清明火玉尺能操化育權  
聞說問奇諸好事月波多載夜航船

春暮過先仲兄邵灣新阡

幽澗綠沄沄嵐侵徑復陰懸厓千樹簇荒塚一猿吟行  
斷傷春雁牀空泣素琴他年相望處不隔會骸岑子營壽藏  
在金牛洞之東與兄墓正相望

偕潛山過忠義祠瞻諸公栗主廊廡多就傾圯慨

然有述二首

成仁取義復流芳姓氏齊隣日月光若與唐賢同廟食  
狐鳴不近許雎陽

官牆西畔肅堂坳盼嚮何妨百代交休悵無多廊廡剩  
昭王祇占一間茆

戲題羅漢像

貫休一十六羅漢何年剩此熬頭陀蹴翻瀛海萬重浪  
壞衲不裹綿兜羅想其六月度雪嶺白者冰柱赤者波  
投足那避火鼠穴浮杯穩泛慈航過忽轉羅施驚鬼國  
不覺涕泗雙滂沱可嗟塵世孽緣積卑齊窳堵高岷峨  
偶逢彌勒開口笑雖有布袋如我何聞之西方廣輪拓  
華嚴法界神撝訶應真五百具各相誰能一一獅象馱  
五百非多一非少烟雲變怪由人摩假如一筆未落紙  
洪荒孰判義與娥迨乎既遇善知識始知是我元非他  
我今見佛且下拜低頭側弁仍吟哦安得更憑大慧力  
驅出六合窮詩魔

贈慧樓二稚孫

矯矯庭前玉英英立竝肩書非今世讀環定夙生傳  
驂篠雙迎逕揮毫對擘牋西林家果熟許我載歸船

訪小正學博寓

幽居寂寂寄東城下若新來定滿罌丁字簾前人未起

馬婆巷口過清明

元戴帥初句  
見東城雜記

佛日登武邱山

踏雨登山橋朱明此方首叢邱金虎餘雲影度蒼狗涓  
涓劍池流迴注斷巖口絕磴徐支筇枯枿或挂肘緣雲  
窺薜壁題字記誰某山廚櫻筍熟新綠半垂牖豈無青

精飯慰我顏衰朽笑酌慙慙泉煩襟復何有緬惟古開  
土棲真此林藪白月照禪心頑石亦素友風流渺陳跡  
千載時難偶霸圖夕陽沈高臺麋鹿走惻惻弔古懷併  
付昏鐘扣

慧山

演澆蓉江流青芙遙可數東風飽飄腹遂見聽松隲弭  
楫步幽垌花氣日方午言尋梵王宮冉冉雲生屢緩隨  
清磬音靜識上方處懸巖蝠誤拂陰叡蛟潛舞萬木掃  
厓開浮嵐有時聚攝衣攀石林側足瞰水府潏潏一泓  
雪渾渾自太古誰與淪松風初停茶臼杵惟其在山清

可以澡靈腑風月無盡藏造物不禁取斯理孰共推江  
南老桑苧

重至臨津書事

二首

不踏荆南倏二年荆南風物倍堪憐紅披山逕晚花雨  
綠破寺門春水烟櫻熟有時還壓帽茶香畱客不論錢  
依然水榭樊川路白鷺一雙相對眠

野鶴孤雲跡偶存浮生納納信乾坤誰憐詞客紉蘭珮  
自愛清流漱石根巖畔風沈蝴蝶夢枝頭花謝杜鵑魂  
仙田好種無人種鋤杖閒敲水洞門

獨山

山雋不在高峭蒨若可握透蛇數里間蓊然生意足嶽  
峯石門重窳窳巖岫複宿霧午方褰秀嶺出新沐寒流  
妙縈帶斜抱環碧玉漱石窺琤潺憑襟肆遐矚君章雖  
娣姒呂蜀終臣僕涓隱盧九台先生園名莽榛餘猶殘數竿竹  
升沈感魚鳥行吟雜樵牧卽事懷古今浩歌滄浪曲低  
空有斷雲杳靄連平陸不共下漳流賴此一螺綠

自箬嶺至烟山

名山喻佳人牛面羅幃幃茗蒿

二嶺名

淺黛橫柳葉擺輕

浪單椒忽前騁蹀躞孤雲上厥名曰雞籠巧繪生意匠  
雨至雞不鳴翠微失遙望層巔更杖策六翮快初放左

江而右湖萬里一排宕乍疑颺輪駕或泛銀河榜釣龍  
非釣魚危磯未爲妄山半有釣磯傳爲孫堅故跡我讀國山碣開基  
思霸王不見孫文臺回腸繞吳嶂

同盧蟾桂陳景辰張簪杏登獨山寺閣二首

青山幾爲別白髮遽如斯蕭散尋真隱登臨且賦詩日  
高幡影重風定以帆遲若問人間意閒雲總未知  
四月銅官下新陰望不遙紅墻烟際閣白鳥渡邊橋竹  
好疑雙徑僧閒似六朝流連清磬晚聊事小停橈

青溪曲和友人三首

青溪若郎懷宛轉三百曲風吹楊柳花教儂何處捉



朝發青溪湄暮宿青溪裏青溪如黃牛見頭不見尾  
青溪斷春潮雙魚何處問昨夜小姑回得郎江上信

擬張好好詞

二首

黃鶯紫燕不同翔秋水芙蓉淺淡妝莫爲瑤姬傷往事  
杜秋紅淚已霑裳

風前吹徹玉參差香靄俄成五色霞雛鳳不如金鳳好  
丹山萬里擇桐花

嫁女詞爲景辰作

兩年不覩陳郎面桂楫漳南一相見撫襟忽訝痕斑斑  
燈下摩挲再三看淋漓數點嬌女泪稠疊千行慈母線

母也非不仁兒兮非負義年經壯盛雖無嗣室有糟糠  
寧可棄長跪請阿母兒今竊爲計曷不效鍾離爲女覓  
良締阿母聞若言恩于已出加纏綿春風花開月正圓  
晝畫溪水銀河連蠲辰旣良訊日吉曰往歸兮而之室  
裴裒兮洞房攬涕兮增溢解爾青衣被服羅襦舍是箕  
巾共挽鹿車東飛伯趙西飛烏從今莫更悲薜蘿生我  
者父活我母路人收兮骨月撫君不見世事由來多反  
覆富家買妾貧家哭莫輕嫁女閨中詞好續洗兒筵上  
曲

寄荆南舊游 二首

予以前甲寅三月三日與諸名士會于海鹽張鷟舫

徵鶴

之涉園脩曲水流觴故事竝以楊忠愍公獄中寄鄭

端簡書真跡歸端簡十一世孫鼎鏘一時以爲勝舉

明年乙卯暮春客陽羨是日同萬璵爲之蘅陳景辰

經集蔣聲依和湛瀆山莊莊在宜興北三里溪山明

媚實據一邑之勝雨連觴咏其樂不減涉園時詰朝

復赴唐荆溪仲見之招荆溪長沙人以名進士宰邑

尤長于詩幕下若湘西胡滄塵大觀王西林人作鳳

臺胥燕亭羅武竝擅文藻時解西新剏幽亭予爲顏

曰玉鑑亭踞小山之巔林木蒼蔚高出雉堞四望萬

山環簇秀色撲人眉宇亭下碧玉一泓渟澄澹淹相  
與列坐其次跨水有石橋橋側爲迤軒荆溪時方爲  
滄門納姬軒中酒半命謳者亭亭歌賀新郎一闕亭  
亭吳人也色藝爲梨園冠轉喉發聲多予舊題玉鑑  
亭詩語詢知乃燕亭所譜不禁相視一笑次日荆溪  
復招同人集城東周氏園賞杜鵑蓋楚俗以暮春之  
已爲令序是日適當丁巳屈指二年中三度脩禊竝  
極文酒之樂亦佳話也自時厥後予旣倦游荆溪亦  
移官頻年不得志諸君皆風流雲散向時之樂無異  
前塵風夢渺不可追聞亭亭亦浪游邗上不勝落魄

江湖之感矣暇日因賦二絕以寄諸舊好云

南曲和風北墅烟兩年三預祓除筵五雲溪上垂楊柳  
撩亂飛花撲酒船

夜月啼殘杜宇枝江南紅豆幾相思青袍御史休官去  
莫遣琉璃唱我詩

過曝書亭

先生一代才少也事奔走家餘相韓業學廣談經數芒  
鞋見

天子獻賦依銅鈎庶幾校馬間著作承明手奈何通籍  
纔指摘隨其後青蠅幕相玷白璧無難黜蛾眉滋謗傷

夷光亦孔醜所以桃李門恩地卽怨耦烟雨且歸耕懷  
哉杜陵叟江天一蓬笠日與蟬相守著書復曝書勝事  
爾不朽自從斯人亾散佚十八九惟有孤亭名猶挂藝  
苑口我來問南村彈指百年久落日歸樓雅婆娑數株  
柳欲慰醉吟魂且貰月波酒

硤石舟中同梅史夢唐夜話次梅史韻

蘆碕初沒翠蓮檻未搖紅一舸沙鷗外千家塔影中雷  
驚崩峽雨鐘數度溪風濁酒休辭醉清歡豈易同

同少白梅史夢唐游西山惠力寺普上人房

二首

逍遙選暇日攜手重游遇一跼贊公房四壁滄洲趣梵

放日未中林烟靜初布甌分紫泉雪池滌白鳬絮五百  
應眞儔三千大千數回環味禪悅庶以謝外慕身在水  
精域心諳妙香處不生了不滅無起定無住嗒然其忘  
言團蒲坐花雨

二儀揚濁清四序迭還往顧彼丸雙跳知著屐幾兩道  
人石門秀一塔中峯上夏簾青琅玕無夢落塵想蕭然  
書畫禪亦足供元賞珠林聊竟坐日隱三花朗徐看益  
間雲片片起如掌豈知雙峽外已作雨千丈空堂噓龍  
氣且以旃檀養待我海天游還充葛陵杖

復偕諸子游審山過碧雲寺尋稚川丹井

蒼莽紫硤天停午景猶晦吟朋互牽攀適與雲意會遂  
扶巖中屐小聽風前唄珠宮隱單椒高標湧香界其下  
選佛場古碣昧人代摩挲綠蘚痕一再丹泉漑五濁儻  
可蠲千劫理不壞回頭見絕壁竹影動瑣碎竊然木末  
亭勢壓孤鳥外疎鐘引微徑蛇行出其背方知琪樹林  
別有天然畫山有天然圖畫閣層闌共徙倚湖海渺襟帶暮靄  
俄西來松陰欲沈黛平生志邱壑意行隨所屆奚必三  
山期更把浮邱袂

游審山歸復集榕園居易居卽席

游屐晚來聚移舟風浦斜爲尋勾令跡重訪織簾家衣



上雲添翠尊前燭換花題襟多逸事莫漫比搏沙

文漁徵君晚過山齋酒後贈此

二首

有客款敝廬皎皎白駒儔願言永今夕噬肯爲我畱敝  
廬東海上滿筵惟蒿萊矧茲經歲隔疑我與時乖把臂  
金石林游心竹素園金蘭洽深契永矢期弗諼麒麟在  
郊藪白鷗沒浩蕩何如放麋翁乃作中山相

閱世等電光撫時悼千載人亦有恒言發不卹其緯柰  
何夸毘子擾擾徒冠蓋周宣昔魏狩鼓落岐陽雉君也  
倉史才汲古鉤金薤置之鴻都門幾等六經醉觀者咽  
四衢爭拓就駝背煌煌中興業亦足照人代卽今梁益

騷久失潼關隘何當騁逸足奮迅長途轡一題劒閣銘  
永以垂攸戒繫予故衰孱猶足荷戈被遠逐後將軍高  
歌前出塞

題望廬圖

浮生希滿百沈憂每強半風流顧彥先顚顚潘懷縣音  
微一以隔如彼辭弦箭空牀念寢興虛室流塵徧猶思  
夢魂通各訴平生怨姍姍其來遲矧復隔幽幔履綦改  
故跡畫篋餘篇翰荏苒冬春徂淒其霜露泣靈夢倘可  
卜安此蒿官晏驚風飄白日榛蘖色爲變從茲望來人  
不在廬中見我生迫坎坷老轉增悲戀彈指五春秋兄

手進本言集卷之六  
衰踵婦練牀摧子敬琴淚漬孟光案西堂縱可逢奈此  
長獨且安得緝君圖望廬續聞雁祇恐并州刀先剪愁  
腸斷

偕半圭夢唐梅史樾谷游橫山寺再用前韻

蠟屐穿蒼靄山葵也自紅雙峯蘭若外孤磬夕陽中鶴  
化松將石龍吟澗忽風茫茫金粟影何處問參同

說經圖爲陳仲魚錢晦之胡維君三徵士題

歙程易出

學博後至不預阮芸臺學使  
謂亦宜補寫故詩中並及之

說經自古如寫真聖賢面目非一律專門使各顯所長  
其神呼之乃欲出髯也風流我所親夙昔相與窮皇墳

仲文雖未投綯紵登龍會託難兄門

謂竹汀宮詹

龍眠聘君

意尤愛千里神交合鍼芥西子湖頭屢寄聲愧未識人

先識畫

維君與予神交有素比來湖上每與仲魚相約一面卒未果

雪龍下上嗟三

友稷下談深疑義剖聽者不覺懽解頤難之一似鉗在

口更有率溪程易疇河梁彈指十三秋冬官憶攷治氏

記琬戈鳥篆頻予搜

予舊藏商鳥篆戈丙午春晤易疇于武林以拓本示之輒欣然摹入

所著通藝錄且約他日過訪一摩挲焉

丹青脫遇虎頭蚤頻上三毫添矯

矯四子講德人豔稱譬彼鐘鏞齊擊攷諸君運際昌明

數東帛邱園日傍午闔東觀啟白虎石渠之議服羣儒

公卿此舉允千古卻怪空山木石形離居終日自沈冥

不知簡壁荒前業徒向蟬窩拜五經

同榕園瑪瑙寺訪宋茗香助教不值

五首

水仙祠下問漁師白傳堤邊聽柳枝  
十里蘋花香不斷西風一舸到門時

灩灩秋波接遠天離離金粟未垂肩  
那知曲院無塵到白露猶開玉井蓮

千重雪瀑半巖霏野鳥啼餘剝啄稀  
姓氏無嫌書策竹緣知不薄芰荷衣

咳唾隨風散九陔江湖淪落謫仙才  
旁人若問朝衫處

當酒瓊樓未取回

茗香嘗有可惜瓊樓不賣酒之句榕園亟稱之

更無人處展同攜挂壁俄看塔影低滿地涼雲收不得  
斜陽已在亂峯西

偕榕園復游湖上

招攜郭門船良緣息壤在遙瞻寶石秀磊落疊空翠  
窄波卓其顛雲影儼車蓋忽爲湖中雨颯來侵客袂  
萬峯送餘涼一葉不能載黃緣信蘋末出沒沙鳥隊  
回風又薄之轉落空濛外采采青芙蓉將以遺所愛  
沈吟續往句思與渺冥會舒之若滿前攬之乃逾晦  
悵望金沙濕殘陽閃鴉背

九日與朱巢飲胡秋讀暨兒姪輩小集山館卽席

用老杜韻

戲馬臺荒斗室寬  
剪燈重敘十年歡  
何人舊學題糕字  
有客新來寄簪冠  
北府紅蕖浮月淺  
南邨玉杵帶霜寒  
祇憐叢桂開差晚  
不共秋風侶雁看  
時初聞四姪秋試捷音因傷先兄不及見也

悼張山人二首

堆門敗葉夕陽斜  
誰復黃壚酒共賒  
記得春山求友日  
東風吹徹棣棠花  
昔隨諸兄過東山必流連信宿

石棺山下水空流  
遺語蒼涼感白頭  
知我首邱應不遠  
可憐埋骨不埋憂  
山人爲予經理萬蒼山事臨沒猶以此勗其子云

禽蟲詩 二首

有鳥有鳥海東青  
晝飛夜宿交蘆汀  
巨鱗深潛蝦蟇腥  
裴裒自顧雪色翎  
曷不高舉尋鴻冥

有肖翹類曰竊蟲  
頽垣複壁匿爾踪  
頭角自振矜螻蟻  
得鉤得國任所從  
視之不見真藐躬

季父之喪四十年  
尚在淺土戊午冬  
卜窆東山封

窆既畢感賦一律

清溪宿霧渺瀾漫  
荷鋪遙尋第一山  
泉下豈知桐作梓  
松根聊借石爲關  
百年舊雨傷皆盡  
舉世浮雲好是閒  
耳聽哀猿啼不住  
分明猶似哭途還



登譚仙嶺

海氣釀于酒烟帆遠似峯葉埋通嶺寺雲鎖過溪鐘囊  
革懷仙峭鞭山笑祖龍振衣千仞外天地一枝筇

金牛洞

古洞烟蘿繡壁環金牛何不出函關祇緣紫氣無人識  
化作青雲滿一山

孤山蘇文忠公祠落成呈小峴廉使

大哉仙人落僂耳一笠不遮烏背尾窮荒萬里視吾鄉  
天將以子爲箕子雷厲風行骨已鑠蠻烟瘴雨皮空委  
天王明聖四凶殄不使臣滂終獄底烏臺舊事忍復論

螭魅天涯猶睥睨空憶羌村杜老還久傳海外蘇公死  
一朝路逢章子厚尚欲買田陽羨里夢寐西湖似隔生  
白沙隄畔孤山趾惠勤老去辨才亡誰與湖心舟共檣  
千山木葉萬山紫蔚然丹腹連雲起雷州故人淮海先生信  
有後八百年來一彈指天畱此缺待公補風政不慙梅  
趙比龍飛鳳舞觀表忠璧月珠簾堂有美向使先生無  
恙在左攬右挹已可喜况有貞珉流翠墨大書深刻昭  
來禩兩湖士女潔蘋藻陌上花開豔羅綺靈絃三弄山  
鳥寂雲車風馬公歸矣送神莫唱祭臯陶猶恐旁人淚  
如泚

夜泊海昌城外寄夢唐

背郭纜虛棹，篝燈聽遠更。  
青陽時已晏，白鷺夢休驚。  
臘近梅心動，潮喧雪意成。  
緣知孤館裏，此夜有詩情。

陳雪樵騎尉重建伍公祠落成紀事

伍相古祠東，海濱坐攬龕。  
赭延三疊襟，吳帶越一萬里。  
聲光遠，簪搏桑，暎銀山。  
雪屋俯順軌，候波讐帖秋。  
不喧神來，腰眇去翕赫。  
旌羽燾風，翩翻左翼。  
范蠡塘右撫文種，魂素車踏浪。  
介馬駛逆上，不許江流奔。  
白龍潛迷作魚服，碧甸汎埽無烟氛。  
威惠顯聖，溯厥始禋。  
越五百紀，有元侵尋。  
歲久將事闕，靈巫罷舞懸。  
空軒霜凋綠槐。

蟻爲國雨昏蒼壁蝸垂文揚沙颶母戰珠塔睨柱海童  
翹鏃聞潮聲夜入夏禹廟狐鳴晝近睢陽墳瞥驚丹腹  
煥棖桷鼎新賴有陳將軍將軍世本忠孝裔登壇三十  
衆所尊天南弧矢痛家難忠肝烈膽酸同吞問者龜鯢  
提一旅強弩力挽驅濤根上浦遺跡續麋豹揆諸禮典  
良亦云寧民自茲獲安奠歲時牒臘牲刑駟惟公精誠  
貫日月要與元氣撐乾坤隱然故國猶在望胥臺麋鹿  
淒寒驅吹簫乞市丈夫志要事不爽仇與恩踐腹報怨  
快郢墓抉目視敵傷吳門向使屬鏃蚤在手寸縗同藹  
同龍施三江有利坐弗享五湖烟樹空連雲我來鞠脰

肅載拜石華晚薦椒蘭芬公孫三呼尚三應作詩千載  
公應聞

送簡莊徵車北上

四十功名未爲晚蓬巒客語夫何遠看君奮迅驂驅足  
董鼂學術從茲展屠蘇初酌藍尾春折柳贈策徧所親  
交論總角無似我風前提袂轉悵神自昔河梁蘇李推  
蘇李而後繼者誰金石不逾片言契微君孰挽狂瀾回  
我有熒熒孤弱姪十年游學愁無匹雲龍下上漫相逐  
舉頭欲望長安日天門詖蕩閭闔開終南霽雪高崔嵬  
君如鳳翼庇凡鳥垂雲披霧登春臺春臺峩峩春草綠

此去公孫早推轂漢庭特詔求異才首重賢良與文學  
不願君青紫歸來金滿屋祇願君銘題劔閣文驗蜀四  
海昇平天下足一老萊檐自鼓腹

送四姪計偕北上

一昔提攜逐歡歌祇今迢遞念關河春隨游子衣邊至  
淚向慈親線畔多洗手羹湯良未易畫眉深淺問如何  
青青但看垂楊好早拂東風太液波

月明林下圖爲櫛李朱申錫賦

夫君家近翁子墓往事什九我能溯敬業堂前一樹花  
杜鵑啼血嬌堪妒

吾家敬業堂前有杜鵑花奇艷爲一郡冠花時予往往在坐

坐客

何人尤睥睨白髮尚書老錢起片言寫出錦江春一日

價貴洛陽紙

令祖恕齋翁與錢文端公爲總角交文故端賞杜鵑詩題咏盈卷至今人猶誦之故

園喬木風烟飽轉瞬尚書墓頭草缸面雖同人面溫花

洗轉紅人轉少

花似客心紅未洗酒如人面醉猶溫文端咏敬業堂杜鵑句也君今與

寄何翩翩畫史風流王輞川騎驢未踏灞橋雪擁袂獨

聳孤山肩我欲相於重數當年花節目併約歲寒之友

松與竹攜芳尊啓芳谷

敬業堂側書齋名

酣臥花闌石稜角莫

問美人來未來但聽月波樓上玉笛黃昏曲

拜經樓詩集卷九終